

25. 08. 2014

Sëlva incwèi

La mpurtanza dl'ega y dla tiera - Ancunteda cun l "Ursus Ladinicus"

Le scolina de Sëlva iel ntan chësc ann unides fates de plu ativiteies che à da nfé y stlarësc te na maniera scëmpla la sciences natu- reles. Nsci iel unì tratà doi tematiches mpurtantes: la tiera y l'ega.

I elemënc ega y tiera

I mutons y la mutans à pudù mparé truep fajan sperimënc de unì sort, y mparan a cunëscer miec chisc doi elemënc dla natu- ra. Danterlauter ài pudù jì a ti dé na udleda al resservar dal'ega sun Plan de Gralba. L polizai de chemun Klaus Mussner i à cumpanièi ti dajan stlarimënc sun nosta ega da Bever y sun la mpur- anza de n resservar.

"Ursus Ladinicus"

L mumënt de majera mpur- tanza de chësc proiet fova zënzauter la cunlaurazion cun l Museum Ladin "Ursus Ladinicus" de San Ciascian. Per duc i mutons y la mu- tans che jirà n chësc autonn a scola fovel unì metù a jì la scumenciadiva "le ulëss na



Mutons dla scolina cun la lores M12 che se tlama sën "Mico"

lores che à inuem...", pro- iet pra chël che l à fat pea mo truepa d'otra scolines dla valedes ladines. Ai 24 de merz iesen jic a San Cia- scian, tl museum dla lores, ulache n à pudù fé pea pra doi ativiteies didatiches cun Stefan Plancker y Herwig Prinoth. L ie stat scialdi nte-



L os dl cè dl "Ursus ladinicus"

ressant per ëi a udëi dal vif y pië ite l esemplar dla lores M12, y ti cialan plu dadaujin ai osc uriginiei, dënz y sche- let dl "Ursus Ladinicus". L diretëur dl Museum Ladin Plancker à cuntà te na ma- niera drët scëmpla y tlera la particulariteies de chësc tier salver: coche l cëla ora, tan grand che l ie n cunfront ala persona paradlan la lo- res de Conturines a d'otra lores sciche p.ej. la lores blancia o l panda mustran nce fotografies.

L espert de geologia Her- wig Prinoth alincontra à dat nfirmazions de coche fova

I tlima y la geologia te chëi tèmps, jan ite sun la duman- des: ulà vivova pa la lores? Cie maiovela pa? Tan granc fova pa i pitli canche i na- sciova? Sambën ne pudova nia mancè la spiegazion dl luech ulache l ie unì abinà la lores, sun Conturines.

La lores "Mico"

Ai 15 de mei a duc pudù to pert a na prejentazion de n teater che conta la storia de na pitla lores, purtà dant da Giulia Vaccari y Gernot Nagelschmied a San Ciascian. Ntan l teater iel pona unì fat al savëi l inuem nuef dla lo- res; te scolina nfati ova unì mut y muta pudù dessenië la lores M12 y ti dé n inuem. Na muta dla Val Badia à abù l'idea dl inuem "Mico" y nscila ie pona nce unì "ba- tejeda" la lores. La muta a giapà na scincunda ma nce i altri mutons y mutans che à fat pea à giapà na pitla lo- res de pelusc.

L ie stat n proiet scialdi nte- rressant per duc y l sarà for n bel lecorc per i mutons y la mutans.